

可以取爲戰後政談者之助

顏旨微

美人勃利安遊於印度。曾紀其事。余摘譯其間數語。並贅以簡言。欲使國民共讀之。其言曰。

「予既與英國之上級下級官吏相晤。復就印度教徒。回教徒。波斯教徒之有志者傾談。並視察其都會與地方之設施。及貧富階級之狀況。且調查統計。演說報告。及各種文書之所記載。而後想像英國之統治印度之苛酷。英人素以主張人類之和平與秩序見稱。然不過爲合法的掠奪者。不過能陷幾千萬之生靈於冥途而已。

……故印度以二億之人民。而受教育者。不及二百五十萬人。僅占人口之十分二。近三十年來。英國對於印度。雖有教育普及之議。而於教育經費之提案。決不稍加放任。如一九一〇年。英國所徵收印民之稅金達五億圓以上。而該年之教育經費。不過支出六百二十萬圓。則亦可以概見矣。

蓋英人恐懼印民之智識增高。則排英之程度益烈。故於初等教育之普及。緩予實施。又恐印人產業予以保護。則將與英國之產業以不利。故於高等工業教育。亦不予以實施。又恐印人直接從事於海外貿易。或與他國人相接觸。不與以航海之智識。且於外國語及高等商業教育。亦不予以實施。要之英人所習之科學、工業、商業、以及醫學。皆非印度人所能望學者也。

可以取爲戰後政談者之助

……印度爲天產豐裕之大農國。爲英國之富藏。每歲平均收入達四億圓以上。吾人履其地。即感爲沃腴之淨土。而其人民則枯瘠不堪。其生活之低下。有不忍卒言者。三十五年之間。歲歲飢饉。人民死亡。達二千萬。其致死之原因。半由於農作物之不作。半由於貧困之所致。……』

吾人誦其言。而連想及於戰後之作政論者。所謂內閣之改造。統一之實行。國是之討議。裁兵之實施。頗喧騰一世。吾人細思之。設今日之事。而不徙根本之教育入手。皆是費話。以吾國地大物博。歲入之豐。欲國民免去印度人民之貧困。非實施普及之初等教育三年。實不足以語政治之事。彼官僚、武人、政客、名流之類。皆抱有英人對印之狹窄性情。以保護一身之祿位與產業。所謂裁兵。所謂統一。所謂改造。皆不過虛僞之表示中之一種手段。吾人乃從矯詭之手段下。希望良政治。未免錯誤。故特摘取勃氏視察印度之言。而爲時下之作政談者作一助也。